



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

XV. Qualiter rex abbatem & monachos venerantes muniat.

urn:nbn:de:hbz:466:1-15625

140 MONACHORVM HYDENSIVM LEGES

trum imitentur exempla; nil agentes nisi quod communis monasterii regula vel maiorum demonstrauit norma. A saecularibus igitur pompis remoti, toto nisu corporis custodian & animae castitatem. Humilitatis studio pollentes, & corpus parcimoniae vigore minuentes, alaci constringant animo. Ciuium coniuua intra urbem perpetuo interdictu fieri erubescant. In ciuitate degentes, in refectorio pompaticas lasciuasque saecularium delicias ut melancholiā apporiantes, licitis caritatum vtantur cibariis. Extra refectoriū autem minime, nisi in domo infirmorum ægroti decubuerint, edentes licite quæ iussi fuerint. Sacri summique ordinis hospites, si ratio exegerit, & peregrini ordinati, longo terrarum spatio venientes, ad abbatis mensam in refectorio cautissime inuitentur: laicis in hospitio condecens exhibetur humanitas. Monachorum quispiam manducandi vel bibendi cum eis secundum patrum decreta licentiam non habeat: in refectorio autem edendi causa vel bibendi non introducantur. Pauperes, vt Christi, ingenti cordis suscipiantur tripudio.

XIV.

De abbatum electione.

Diuinarum studio scripturarum luculentissime erudit, orationum frequentia assidue occupati, caritatis ample-xu lœtissimi, fidei exercitio promptissimi, spe prouehente sincerissimi, pace concorditer fixi, omniumque virtutum flore decorati, ad finem usque coepit tantæ bonitatis initium, Christo iuuante, perducentes, eadem glorioſi fruantur libertate, quam beatus patronus Benedictus omnibus regulæ præcepto subiectis instituit, scilicet ut post abbatis obitum tunc temporis regentis, abbatem.... ordinent congregacione, quem sibi omnis concors congregatio, siue pars quamvis minima congregationis, salubriori elegerit consilio.

XV.

Qualiter rex abbatem & monachos venerantes muniat.

Reges itaque, quicumque nostri fuerint successores, nullam extraneam personam ius tyrannidis super monachos exercentem imponant, ne forte Deus eos damnans &

regno deponat & vita. Electum vero a fratribus Christi vicarium dignanter suscipiant, eumque caritatis igne succensi locupletando venerentur: iuuamen, in quantum indigerit, Christi amore compuncti, alacriter impendant. Mutuo namque confortati iuuamine in nullo a regulæ præceptis discordantes, Domini gregem, non mercenarii, sed pastores fidissimi, luporum riectibus eximentes intrepidi defendant.

XVI.

Qualiter abbas & monachi regem a dæmonum tentatione eripiant.

Abbas autem armis succinctus spiritualibus, monachorum cuneo hincinde vallatus, charismatum cælestium rore perfusus, aeras dæmonum expugnans versutias, regem, omnemque sui regiminis clerum, Christo, cuius virtute dimicant, iuuante, a rabida hostium persecuzione inuisibilium solerter spiritus gladio defendens, fidei scuto subtili protegens tutamine, robusto prælians triumpho, miles eripiat imperterritus.

XVII.

Qualiter rex abbatem & monachos ab hominum persecutione defendat.

Rex itidem terrenus cælestis castra regis fortissimo roborans munimine, armis sæcularibus visibiles expugnans aduersarios, hostiumque rabiem sæuentium annihilando deiiciens, Conditoris sui pascua gregemque solicita inex-pugnabilis tueatur custodia, quatenus ad vitæ brauium perueniens æternis tripudians fruatur bonis, quæ nec oculus videre aliquatenus potuit humanus, nec in hominis cor vllatenus ascendit quæ præparauit Deus diligenteribus se.

XVIII.

De monasticæ possessionis libertate.

Sint præfati monasterii rura, omnis monachorum possilio, in rebus magnis vel modicis, internis vel externis, in vrbaniis, vel suburbanis, prædiis, campis, pratis, pascuis, siluis, molendinis, riuolorum cursibus, æterna libertate in Christi nomine eiusque genitricis ditata.